

**CIULIQAGTEMTA ALLGILIYAM, METROPOLITAN TIKHON-AM
NALLUNAIRUTII ALUSSISTUAMI 2015
KRISTUUSSAQ YUURTUQ! NANRARCIIU!**

Una ayagtuq takarnarqelrianun Atkuumalrianun, qigcignarqelrianun Managganun, cali Elluarluteng Agayumalrianun Orthodox-at Agayuviatni America-mi.

Kenkekemni Anelgutemni cali Atauwauluci Irniarulriani Atanermi,

Angniutekaqa cali piyunalitekaqa tuqlullerkarci matumi tanqilriami agayunerpagmi Yuurtellrani Atanemta, Agayutemta cali Anirturtemta Iissuss Kristuussam. 700-aani angelriani cali mikellriani nunani North America-mi, Canada-mek United States-aaq cali Mexico tekilluku, quyurtukut tamamta angniuteknaluku irrinarqucia Agayutem ilaurtellra yuum yuucian ayagturalranun. Amllerni ilamteni man'a nallunairun usviitellriatun ayuquq, tuaten tangrumallracetun piqa'arraallran kinguani. Taugaam wangkuta cali tanqilriit nangerngallrucirturaraput unguungsit-nerviata mengliini, caniani Kelistam cali imailnguun qungum, qanruteknaluku Agayutem ellminek cikiutekluni kenkuyutii, wangkuta cali Piliarulria tamalkuan pitekluku. Alussistuami waten atu'ulaamta:

*Quyavikciqamken Elpet, Ataneq, tamalkuan ircaqumkun;
Irrinarqelrialilten nallunairciqanka
Akunlitni ellualriit, quyungqalriani.
Angelriaruut caliaru Atanrem!
Yuvriumalarait imkut assilitkestita!
Calriara ucurnarquq cali kenegnarluni, cali elluarucia akwarpak piuguq.
--Alussistuami, 1st Antiphon (Psalm 111:1-3)*

Illumun, "Angelriaruut caliaru Atanrem!"

Tangraa ellarpak nangtequtmek imiumaluku cali Ellminek pitsaqutmek nangtequq tumyarinaluni mamumallerkam tungiinun.

Tangraa ellarpak tuquyialuku cali Ellminek tuquuq taitnaluni unguirnamek cali nangyuilngurmek unguvamek.

Tangraa ellarpak tan'germelluku cali Ellminek itertuq tan'germun taitnaluku tanqigmek tanqilriamek nipcimasciigalngurmek.

Tangraa ellarpak teguaruluku assiilnguun pinianun cali Ellminek tun'uq taumun assiilngurmun piunrinaluku akwarpak.

Agayun "mallegciigalnguq, umyuami elucingesciigalnguq, tangrumanrilnguq, taringumasciigalnguq cali taqluni cimiyuilnguq" Ellminek cairutuq pinimek cali tanqilriamek piyunarqucimek. Yug'urtuq pinianani cali navegyukaarluni pillgucirnaluta tamalkuan navgumalriami yullemteni, cali tuatnallermikun ikirutaa yuuyunggallerkaq atauciurcimaluni Ellmini, wangkumteni, cali tamalkuan piliquamalriami.

Atanemta atauciqauqaqluci atauwaqerlici, nunaci cali ilaci atullerpeciu Yuurucia cali kevgiullerpeciu Ellii. Kenkuyun aturluku Yuurnerramun Kristuussamun,



†Tikhon
Allgiliyaulria Washington-aami
Metropolitan-aarulria America-mi cali Canada-mi